

逸史

卯

			一五	和
			二四	書
			七八	門
一	三	六	八	類
冊	架	函	號	

庫	文	閣	內	
五〇		一五		和
函		二四		書
		七八		門
八	三	八		類
架	冊	號		

內閣文庫	
番號	和 15248
冊數	13 (5)
函號	150 31

五十四




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





逸史卷之四

天正六年戊寅
至十年壬午



莫陰逸史氏同關子撰

上野養壽院藏

六年戊寅春正月 詔敘右府信長正二位敘世子信忠

正三位右府曼朝廷 崩時諸儀多廢缺獻贊舉行○尼子

勝久因羽柴氏求入雲與舊臣山中立原等募兵二千自


京滿播進取上月○二月大君改城濱松○尼子氏患

糧乏且同備帥將出棄城而退備人復入守之羽柴氏乃

率兵二萬圍之數匝守者乞降秀吉悉縛而焚殺之秀吉

以城常備作之衝難其守山中幸盛勸勝久以請許之勝

久畢集遺臣以騎二千戍之○三月大君自將入駿攻



逸史卷之四

田中守將依田信蕃固守不克而還○十三日越後侯謙
信卒年四十九謙信為治傷於嚴酷任意殺戮人不自安然性
勇而重信善用兵是以開拓土境併二越能佐分賀飛上
毛威令遠布四隣畏憚及與江有興遂有爭衡中原之志
乃將大舉西上治嚴已定病風暴卒云
逸史氏曰兵家之祖述謙信氏猶信玄氏也然謙信氏之
用兵行威一出乎意匠未嘗有成式後嗣亦罔所論著焉
今名其兵書蓋皆係偽撰予嘗徵諸羽藩文獻者如此為
容者之托笠原猶且妄意增損失其真者多矣矧初亡所
據乎要不足信也謙信兵法世多有之故予揭斯說以祛
惑矣

○初謙信因武事佞佛歲時每修法會以祈冥助持戒終
身因以亡嗣以相侯氏政弟為子命以已舊名曰景虎三郎
初名又收姉夫長尾政景越前孤為子曰景勝喜平治後
氏秀寵秩相匹及卒二公子爭立景勝在春日山上杉氏景
虎出據北河國人樹黨相攻越後大亂景虎請救于相相
侯怯懦許而不出江侯乘越後釁遣神保正武江侯妹夫
帥師伐越中○三木播城主別所長治畔江與羽柴氏絕
長治赤松氏庶族累世以武顯於是四近城堡皆應之捨
侯秀吉圍三木分兵攻略諸城接戰不決秀吉一日出一
戎服連環徽號顧衆颺言曰勇兼人者吾將授之皆相視
未言協坂安治甚內後中進曰臣雖為願得之秀吉笑與

通史卷之四

之及戰安治刺一騎將馘之而反曰以報疇昔之賜安治
 徽號桔梗花遂更爲連環云○浮田直家乞師于藝欲共
 殲尼子以夏四月毛利輝元親將次松山地備中令元春隆
 景勅諸將進軍于狼山地播分兵圍上月直家命諸將會之
 兵總七萬羽柴秀吉留諸將當三木自救上月織田右府
 使荒木村重助之兵總四萬抵高倉山地播隔燕水而陣持
 重不肯出右府更發兵四萬令瀧川一益明智光秀筒井
 順慶將以援之○五月大君復伐田中亦未得志而罷
 ○右府又遣世子信忠公子信雄信孝帥兵三萬爲秀吉
 後援藝侯益峙糧食築長圍爲久屯之計六月藝師涉熊
 水與江師戰于高倉山下江師不利右府料其不易敵

信忠避銳江師退次書寫山地播信忠信雄轉圍別所氏屬

邑神吉地播信孝罔志方地播踰川皆下之○藝師攻上月益

急尼子勝久力屈秋七月自殺出其人城陷立原久綱奔

江山中幸盛就囚尋見殺八月信忠案視三木列邸壁命

諸將守之令秀吉統之而還○初備侯直家心持兩端藝

師之出稱疾不親會之藝人多猜直家聞江師滋至乃發

間使送款於信忠及江師既退上月不守稱疾瘵如藝師

賀捷藝人或請拘之元春欲許之隆景曰嬰不可從我啟

焉乃罷歸直家請享二帥於八幡城地備前欲伺間以圖之

先期或告藝人曰八幡之饗幕有甲矣元春隆景薦食而

發留使者令謂之曰聞之道路公欲以二人之元爲上國

出修地播藝師地播逸史卷之四

之獻以戎事之未復命於暴君也敢辭享如追貽以一夕
 敢不唯命是從直家乃決意即江初界府藥戶小西壽得
 清兵傳晚壽得壽得齊富而老于京師善於江諸權貴羽柴氏
 得又作清壽得氏深德之壽得子彌九郎為關山賈人
 微時海館於壽得氏深德之壽得子彌九郎為關山賈人
 義子有機警亦嘗與羽柴氏狎直家遣使者于京師使壽
 得行貨於江諸貴壽得曰欲右府親暱乎莫若因羽柴氏
 直家謂之令彌適三木兒秀吉喜為言之信長乃引
 見使者厚賞遣之使者遂發幣於公卿庶尹彌行反京畿
 措辦兵事周旋甚愜直家乃寘彌于京師以為規人既而
 秀吉愛彌才召而祿之彌好兵後從軍屢有功寵遇日熾
 是為攝津守行長○大君畧駿取田中禾○冬十日田侯

勝賴我濟大堰河我師軍見附十一月甲師軍相良
 大君及世子軍三社世子請戰大君弗許勝賴欲戰高
 坂昌宣止之各罷歸是歲高坂死而長坂跡部益亡忌憚
 勝賴之虐遂稔云○大友氏伐日納伊東祐兵島津氏禦
 之戰于高城川大破之宗麟逃歸祐兵益不得志尋走周
 濠奔京師○津侯村重部下有貪利潛難於石山者江邏
 騷譏察以為荒木氏通賊送糧報之江明智光秀以村重
 新附而名望出已上也百方搆之右府信長未信及村重
 歸自播使人訊之村重大驚將往謝其下皆諫不聽輕裝
 抵山崎光秀馳書曰右府盛怒難撓果來殃且弗測村重
 乃還決意而叛通藝及石山於是右府親將討之大君

源氏物語卷之四

四

使水野重次藤次郎清久太郎助之高山友祥右近以高槻中
川清秀以茂木首降乃分兵焚華隈兵庫津屠之播侯秀
吉聞之潛自三木如師請親往說村重許之秀吉造伊丹
開險再三村重泣且謝曰辱吾子厚誼然事已至此烏得
終完羣下請殺秀吉曰是斷江一臂也村重弗聽曰渠重
交與重信義輕身以來殺之非夫且我成否奚係渠存亡
乃厚禮遣之執手揮淚以別秀吉再使黑田孝高往村重
捉而幽之以示絕秀吉乃反三木孝高不屈夷然起臥一
室村重亦不加害十二月信長合兵圍伊丹焚其郭而入
四面蠟附而登村重拒卻之水野重次死之江人或把槍
乘塘後無繼城兵萃擊之其人投槍而坐曰我生不足惜

但有老母鄉里貧困無他兄弟我今日而死母明日而餓
我欲以微功資麤糲不知無繼誤進至此黃免一死得以
終養辭色悃悃衆相視而歛兵村重聞之曰孝子也予金
使人送出諸門問其名居不告而去右府患力取勞師乃
下令爲長圍列堡斷其饗道令公子信孝及瀧川一益
池田信輝蒲生氏鄉等分戍而還○上杉景虎勝賴夫人求援于
相氏政乞師于甲是月勝賴率兵二萬納景虎勝賴夫人
上杉景勝懼因長坂長閑跡勝賴夫人賂以上毛之田及金
萬銀曰事就請以國屬焉勝賴受賂而還氏政怒與甲絕
○薩之波豐師也肥筑震動諸城主往往與薩通肥前侯
降信帥帥徇二筑至此粗定之○是歲土侯元親率師入

世修
德書
德書
德書

嶺荆平郡邑大桐侯香川信景民部少輔有嶮六郡與藝通元

親曰是難以力爭乃行成請以次子為其義嗣信景聽之

信景尋老西嶮悉屬長宗部氏

○七年巳卯春正月甲侯出兵上杉景勝與侯發兵救

北河景勝與甲人夜襲北河陷之景虎自殺相師不及而

罷景勝遂自立甲侯女以其妹○羽柴氏圍三木周歲別

所長治不崩二月十一日味爽長治出兵二千襲擊秀吉

與弟秀長秀吉異父弟小一邀擊大破之斬首八百獲其

良三十人○秀吉之出師竹中重治半兵衛每從知莫不言

任遇日盛於是嬰疾就醫京師數月而弗瘳因言我即不

起寧殞身于行間乃力疾後請尋死秀吉嘆惜撫其孤重

門及得志封列侯任丹後守云○初別所氏與荒木氏通

自山路潛出兵築淡河丹生山置戍以為兵庫華隈聲援

於是秀吉夜乘風雨襲丹生一鼓拔之淡河定範諱正以

其甲數自守淡河聞之曰羽柴必來乃布蒺藜樹鹿砦以

待秀吉果使秀長率兵五百攻之不得輒解定範預募民

問其馬得數十匹乃放之敵陣鼓譟隨之馬相踏藉陣亂

大敗定範口秀吉問敗必以大眾來力屈而遁也遂悉

兵入三木秀吉命加藤光女作丹後遠江守絕三木餉城中始

空○藝侯輝元怒備貳也率師伐作備侯直家懼而乞救

於播倭秀吉秀吉辭曰三木戎事未問姑俟敵及國而後

往倭師拔作五城守將皆奔備望風而潰者四城直家不

川參濟... 逸史... 卷之四

敢出藝師徇備中而還○三月甲侯伐我次國安地遠大
君軍于虺冢甲人引夫○右府信長及世子信忠如津按
和伊丹圍戒以持重留止累月遊多田箕面以示暇豫○
京師市人宗運事親至孝右府聞之召賜殺石石復之終
其身○是春上侯元親用師于豫久頓攻略○夏四月七
日公子秀忠牛是為台○甲人復來大君及世子信康
軍于虺冢亦不洩而罷○初秦秀治右衛門大夫有丹屢抗江
人右府連歲造明智光秀伐之不克五月復遣光秀自東
丹入羽柴秀長分三木軍入西丹共攻拔十餘城獲盡宗
長主殿宗貞美作等六月光秀遣人招秀治以母質之秀
治乃與弟秀尚遠江守來見光秀伏床禽之檻送諸江江侯

磔殺之丹人聞之磔殺光秀母江侯令光秀擊秦氏黨悉
平之乃予丹治於龜山治於龜山逸史氏曰光秀餌母以邀功犬彘不食餘江侯乃易蕭斧
之誅以茅土之賞君臣之間唯利之視三綱敦矣九法淪
矣越夫世佞或設忠孝兩途之論實憐乎人終矣若夫王
陵趙苞徐庶之流失得之議籍籍於士林然是其母皆誤
墜敵手也從違之幾決於不得已之日與挾詐術故意實
母于死地甘蹈逆節者豈然異科光秀弱狂亡論已江侯
之心將苟有功者雖犯五逆而我必賞之則為甘下者
何所不至與且肘腋之變是舉有勝之抑前日孝子宗運
之攻與今日賊子光秀之賞何不相似之甚也盛鄉者好

懿之良心觸發不可停而無私念以汨之今者先之以怒
氣而之以利心不暇自省故一人之身一時之事而邪正
相反至於若此可勝歎哉易稱懲忿窒慾欲善矣夫
○初夫人關口氏性妬悍挾媚道侍姬受寵者輒陰殺之
或極其酷虐大君廢之關口氏遜于勢世子信康私迎
寘之閨中世子性剛暴數殺戮無辜酒井忠次大窪忠世
驟諫弗從其配織田氏亦妬而無勇又失愛於關口氏關
口氏短之世子於是寵益衰關口氏有疾與甲醫減慶軒
遂萌禍心欲行大事立世子勸之與甲通好共滅江以分
其地令減慶如甲請為勝賴悅許之關口氏密為其備恐
世子弗從未發也秋七月侍女漏洩其謀於織田氏織田

氏馳人告之江且狀世子十二罪曰世子雖未與逆謀然
其人如此異日之變不可測也會酒井忠次聘為右府信
長延之按狀詢實忠次惡世子為人嫫孽之忠次勲舊重
臣而大君姑夫信長信之益怒乃以子歸謂子君事勢
若茲不可不決意忠次經岡崎不入世子疑有變不自安
忠次還以告大君愕曰信康不免矣世子傳平岩親吉
在座進曰世子壯武無比今罪未暴白而遽止典刑君後
必悔臣為傳亡狀有死已請且幽世子以啟自新之路爾
臣首以謝江亢怒或釋大君不許八月三日大君如
岡崎命遷世子于大嶺地參五日世子造岡崎哀訴弗聽九
日又遷之崩江地遠十月幽之二股令大窪忠世監護廿九

日關口氏伏誅江侯意未解九月十五日遣服部正成
賜世子死時年二十一
史氏曰世子不為無罪而死非其罪後人悼焉方
君之屢遷徙世子也意覲人或竊奉以逃也然酒井大窪
以下皆自愛而憚於世子之雄豪靡有能出力共憂者竟
迫乎江成以至大故悲夫世傳
大君嘗觀教坊幸部萬
滿仲者泫然流涕曰忠哉仲光殺子以免君之子今也亡
矣左右皆泣忠次忠世在座汗毗顙刮席不敢仰視云噫
嘻其愧怍若是乃當日自私之心昭昭不可掩焉人臣之
職果何如也若平岩氏初能不負傅職欲殞首以脫世子
反拱手於遷徙之日是亦可異者乎且不乎

○先是浮田氏間藝師之罷入作復二城吉川元春馳赴
之至則去矣乃退屯富田○初羽衣石伯地侯南條宗勝後
守為尼子氏所逐因毛利氏得復歸深德之從元春于師
數有功臨死囑曰忘藝惠者非吾子孫及子元續伯香守艷
織田氏日大密送款其宿臣山田直重出雲固爭怒欲兵之
直重奔藝元續乃盛修守備於是元春遣子元長治部少輔廣
家民部大輔取羽衣石禾率師繼之戰於長瀬川大砂之
逐北燬其郭列寨置戍而還○相之絕甲也使人來修好
欲共圖甲且因我求成于江已而甲人數侵相相使者前
後相望遂盟盟書曰每甲人出所不發師相犄角者江亦
交載書江相始通也時甲侯伐相次沼津豆地相侯次三島

地以禦之。大君乃帥師入駿甲侯舍相赴之。我師取藤
枝之不還。甲人不及而罷。○伊丹受圍日久。外援不至。糧
食且竭。荒木村重乃留將士守城。與左右數騎宵出奔尼
崎。遂如華隈。告急于藝藝人。以道路梗塞不能援焉。○冬
十月。右府聞村重定遁。馳如津。命諸將鼓衆凌城。十一月
城陷。黑田孝高復歸。能勢三田等城皆降。濱右府乃夷荒
木氏男女長少死者六百七十人。以津予池田信輝。令信
輝及其二子之助紀伊輝政三左衛門後備前宰相圍華隈。○三木
侯長治驟求救於藝藝。辭以道梗。乃發舟艦送粟。藝人報
三木約所。故管乘其擾。以納糧。夜襲平田寨。守將合野好
亮大膳死之。長治率兵三千逆饗羽柴秀吉。與長治大戎戶

大村長治將魚住源吾健鬪。秀吉前軍御堀尾茂助帶刀吉晴

功坂甚內中務少輔安治中務少輔競進擊之。甚內斬源吾秀吉麾衆乘之。

長治族十人與其士百餘皆死。淡河定範傷而退。顧見有

追者。臥地佯死。追至欲賊之。定範猝起。殪數人。衆驚散。定

範笑曰。我今實死。乃自殺。長治脫走入城。秀吉移壘偏之。

已而城中窘罄。宰馬而食。○自足利義昭之敗。二條第久

廢。江侯屢入京。謙讓不肯館焉。是歲命修之。於是乎成。乃

獻之以爲春宮。廿二日。皇太子誠仁具儀仗以徙。○初

長宗部氏用師于豫。自春涉冬。轉戰輒克。下十有餘城。十

二月。國司西園寺氏請平河野通信等皆降。附豫悉平。

○八年庚辰春正月。大君陞從四位上。○羽柴氏益薄。

三木縱火城下分兵悉拔其屬城城兵餒不能鬪別所氏
知不可為請自殺以出其民秀吉許之十七日長治與其
族殺孛放火自裁三木平秀吉遂入但攻竹田不克置戍
而還江侯以三木益中川清秀封併食十萬石清秀令子秀政
右衛門大夫居之江侯室秀政以其女○初羽柴氏使浮田氏
城于兒島備前地以備藝直家俾弟忠家七郎基家與太子
之於是毛利氏遣穗田元清隆景弟攻之二月基家與元
清戰敗死○三月武田氏伐相次浮島原駿地北條氏次三
島各出舟師大戰海上殺傷相當○大君徇高天神命築
長圍而還○藝侯再遣隆景攻兒島浮田忠家告急于岡
山備侯乞師于姬路播侯令淺野長政彌兵衛後率舟師

赴援隆景引還織田氏聞藝師荐出使明智光秀長岡藤
孝救兒島不及而罷○自一向賊據太阪歷十一年兵結
不解天阜憂之遣右大臣前久大納言重通庭如
大坂諭致城弭兵江侯亦使楠友閑往光佐欲不奉詔
其徒固諫乃與江交載書夏四月光佐奔紀國森衆皆
弭散留子光壽處分後事約以孟秋輸城○羽柴氏率師
入因攻鹿野下之山名豐邦女及其將士任子皆在城中
收之而還吉川元春自富田赴救不及而罷○五月大
君累駿取田中麥而還初甲侯入駿修持船故城使駿舊
將朝比奈比秀駿河守守於是氏秀追躡我師我師反擊大
敗之○是月江侯上奏修雄德山八幡宮○豐侯宗麟以



免前多畔屬肥前興帥伐之與秋月種實等戰不得志而
罷○六月大君攻高天神焚其祭芝其禾而還○越前
侯勝家時上杉氏無外志伐賀轉戰累旬至此采平之江
右府乃使前田利家等徇能及越中長連龍舉兵應之累
戰有功利家卒定能○光佐之遁也門徒留者喚光壽曰
斯城天險以信長之威弗能陷者殆乎一紀今胡必棄之
信長殘忍譎詐而讐我巳深晨而出夕必禽亡爲也光壽
乃修守備再募兵光佐使止之曰是殃我也弗聽右府怒
曰廢 詔背盟罪不容死乃發兵拔其屬城勝曼尼崎光
壽懼謝罪請成信長謂當收城而後徐圖之如拉枯耳乃
許之○秋七月 大君徇駿取出中小山之禾或諫曰水

潦將穿大堰必溢勝賴聞君出必且疾來進退俱險請蚤
收師 大君從之既濟果大雨河溢時甲侯出師在駿聞
警而馳至河不能濟而罷○華隈食盡荒木村重潛抵兵
庫津舟奔藝居數歲禿髮自號道糞以茶事自適及羽矢
氏得志實諸沙界更名道薰與湯沐邑于菟原津地善觀之
召其通甘祿之云○江右府發兵數萬如大坂收城光壽
輸石山及所在堡塢五十于江而奔紀津悉平○筑前守
秀吉再率師徇但攻陷諸城山名宗仙以出石降但平遂
入因使謂鳥取曰如降舉國封之不則悉磔殺所得任子
大衆圍城屠戮不遺山名豐邦欲降羣下固諫曰尼子之
難我反覆殊甚而藝皆柱全之今復背其恩狗鼠將不食

餘任子奚足顧豐邦心愧不得已辭使者秀吉乃合圍樹
磔柱於城外悉縛其將士質長槍擬之以招城中皆弗從
秀吉怒命殺之極其慘酷又縛豐邦女擬之三日豐邦乃
造軍門而降秀吉責其遲割因三郡與之盡收其將士邑
遂徇國中而還鳥取將士皆怨具狀報藝豐邦益恠擊
拏奔姬路○一向之亂作聞信盛屯大坂五歲貪利玩寇
江侯數其十餘罪逐之八月信盛奔紀後二年死于熊野
右府召其子正勝祿之云水野信元之死信盛之讒也至
是右府始知其寃乃使其弟忠重藤十郎後和泉守襲舊封○筑
前秋月種實筑紫廣門介上野等與楠城主戸次道雪寫城
臣高橋紹雲三河守統種晚號紹雲攻伐有年於是龍造寺隆信率

兵救之與道雪紹運連戰敗之進圍楠使種實廣門國屬
道雪紹運皆急于豐豐師不出二人乃行成即肥前隆信
遂徇國中嚴屯戍而後還○甲人之守高天神也大須賀
康高在虺塚戰積歲屢有功而甲守益堅冬十月大君
攻高天神環塹柵置六砦而還意在必取城中乞援于甲
副守松田尹松甚四郎後其右衛門不以爲然獨獻書曰城斗入敵
境未易救也遠侯勁敵江相方睦君若來遠人守險江人
與相人犄角其危弗可測矣臣受命守城死其分也君辱
愛惜臣等城陷之日突圍挺歸亦非所難也願熟圖之甲
侯得書會議僉曰尹松言是也甲侯乃曰坐視城陷示怯
也遂率兵略上毛○江侯以加能封府中侯利家○十二

月甲侯伐相入豆下戸倉以成其後○九年辛巳春正月大君攻高天神織田氏遣刈谷侯忠重率尾人來助二月甲侯入豆相侯禦之於三鳥不戰而罷甲侯知高天神急亦不能救○越後侯景勝遣兵略越中賀人舉兵應之守護作間玄蕃擊走之○山名豐邦之遜也其宿臣皆弗從求守于藝藝遣牛尾春重大藏左衛門如鳥取春重出畧近邑大劔告歸鳥取請代於是使吉川經宗民部少輔往又城丸山以為之援○三月高天神食竭守將岡部與行守丹波守等夜突圍而出我師萃於是獲與行城兵殲焉橫田尹松奮鬪獨得脫歸甲侯嘉其勇當之辭曰棄城而還何勇之有○小笠原長忠之以高天神降甲也

監軍大河内政局源三郎獨弗從囚之石窟甲侯命喻降引以重利罵而不受甲侯怒銅窟戸歷八年竟不屈尹松偉其節善視之及城陷石川數正出之足痿不能興大君嘉賞焉及長湫役力戰而死云○江將佐佐成政擊定越中右府就封成政于越中○丹後亂右府封細川藤孝于丹後密誡之誘丹後侯一色義定左京大夫殺之田邊丹後地主一色藤長式部少輔棄城降○右府以播侯秀吉既定播但令大舉圍西土夏六月秀吉將兵六萬入因秋七月使美濃守秀長圍丸山自關鳥取數重右府發兵一萬助之備侯直家遣兵八千會之○穴山信良言於甲侯曰遠日攝江相修好三國必來都城惡請遷于薤崎甲侯曰善是月

大城薤崎而遷焉名曰新府
 逸史氏曰昔者楚令尹子常城郢以備吳沈尹戌譏之曰
 諸侯守在四隣諸侯甲守在四竟今吳是懼而城於郢守
 已小矣甲之不獲能無亡乎善哉言矣予也為甲亦云
 ○初仁木氏有伊賀其下作亂滅之分其封也卯之歲江
 侯遣公子信雄伐伊大敗八月江侯以西事有間圖再舉
 伊人聞之而懼來請降大君弗納曰我豎江睦不可私
 受不如速叩江之無後患也國人弗聽遂修守禦九月信
 雄帥師伐伊和侯順慶以其甲從焉分七道而入拔十餘
 城伊悉平江侯以封信雄分一郡封信包信長弟自足利
 氏之亡織田氏曰大朝廷倚賴焉至此身躡台鼎并國二

十大君地望既具而慨然有大志特以威令未被西東為
 憂不以徒踵足利氏虛號為榮朝廷亦揣其意未錫命也
 ○鳥取已困數告急于藝藝以豐備伺隙南條未平而四
 境多戍其名募歷月初藝侯使元春隆景分轄山陰山陽
 元春乃曰因在我管內不可不先往遂以其甲六千入伯
 以俟後軍冬十月輝元與隆景率師抵富田鳥取糧盡人
 相食吉川經宗與丸山守將及鳥取舊臣自殺以出其民
 元春抵馬山阻之乃留而舍秀吉進入伯助南條氏軍于
 山與馬山相持元春命撤歸路舟梁以死自矢時北地
 雪已深秀吉曰天寒敵勅未可冀也十一月班師徇因定
 之而澤藝師亦還○十二月江侯運粟二萬石于吉良使



來告曰明年將有事于甲○是冬武田上杉有違言舉兵
相伐○先是島津龍造時爭肥後戰鬪累月而不決於是
行成分地以鷹背河為境界而罷○是歲大窪忠俊卒
○十年壬午春正月備侯直家卒播侯秀吉為請於江令
其幼子秀家八郎後中納言左兵衛督襲封秀吉撫之甚厚○右府信
長奏修伊勢內外大宮初大武天皇詔每二十年改
造兩大宮行遷宮儀著為永式後世喪亂相尋王室衰
細兩宮頽圯典故不舉者數百年於是信長新之悉復舊
制○藝使駿河守元春畧因元春欲攻鳥取以兵寡單不
敢進鳥取守將報警於播會右府命播用師于淡及備中
秀吉使謂鳥取曰第固守毋出我有事於山陽元春當捨

山陰而來因必亡患遂率師入淡○初甲侯信玄與福島

信地侯木曾義昌伊豫守後左馬頭交兵多年及其併信也義昌行

成信玄妻以女及勝賴立屢加繇役比年滋甚民不堪命

義昌遂貳乃密送款於江曰君倘有事于甲願為前驅信

長疑其詐謀求任子義昌即奉命信長悅遂戒師期信人

或因阿部忠高賀加告變于甲甲侯勝賴怒將出兵忠高曰

福島絕險不可力取臣請往關說緩其反計君潛兵掩之

則一舉可禽也勝賴弗聽遣信豐信盛勝賴弟仁科守正將

兵五千急擊之肩雪躡險手足龜傷廿八日義昌大破甲

師于華表嶺二月勝賴帥步騎二萬次于諏訪信地右府信

長大舉伐甲世子信忠以兵五萬為先鋒從岐蘇入大

君以兵三萬五千從駿相約夾擊信長以兵七萬繼之相
 侯氏政以兵三萬次境上為其聲援勝賴聞之令諸將分
 守險要龍澤尤險下條信氏伊豆守之江人患之六日信氏
 部將叛迎江前驅川尻鎮吉與兵衛後肥後守信氏乃遁十四日
 松尾信地城王小笠原信嶺掃部以城降江飯田小山並信地
 聞之皆遁○十一月木曾義昌再破甲前軍于華表嶺獻
 捷於江師世子信忠分兵助之軍枯梗原信地○甲侯尚在
 諏訪日會將將議戰守左馬頭信豐稱病不會衆心益搖
 城昌茂織部曰需事之賊也願假臣兵五千俾小山昌茂出
 幸等繼之出可馳突一舉可克也長坂長閑迹部勝資弗
 聽曰乳臭兒何知阿部忠高曰臣謀得其情江師雖衆而

陣管散布我專而敵分且其先鋒深入不諳地理乘夜迫
 之可逞矣長閑大炊復沮之議竟不決將士解體○大君
 入駿次牧野廿日分兵攻田中奪其郭守將依田信蕃尚
 堅拒○是日信忠抵飯田前驅鎮吉轉鬪突入武田信綱
 守大島信地衆驚而潰○廿一日我師破駿人于遠目遠目
 鞠子並駿地皆潰廿三日進攻持船穴山信長甲侯姊夫以
 勲舊威望尤重初勝賴將以女妻其子既聘而左馬頭信
 豐欲為其子取之賂長坂跡部二人言於勝賴曰公子與
 梅雪氏之子本命不協女遂適信豐子信長大恚見國日
 盛遂武是役也出守江尻駿地大君遣長坂茶理說降之
 留七日而聽命潛謁大君還其邑下山廿七日持船久

皆潰○江世子信忠移軍于飯島信地分徇國中信人苦
 虐政日久及江師至士民爭先降附甲人在諷訪者聞之
 逃亡相繼廿八日甲侯退入新府○大君至江尾使人如
 田中說降依田信蕃弗聽曰身在圍城之中外問虛實不
 能知矣大君乃令宍山梅雪以書喻三月昨信蕃致城
 而去大君招之辭曰國事危急豈暇為私計○是日江
 師圍甲子信盛于高遠信地信盛及小山田昌辰備中等防
 禦甚力信忠鼓衆乘城前後夾攻城遂陷信盛以下皆自
 殺○二日駿府守護武田信龍土野及信光左衛門棄城
 遁大君入駿府○信忠抵諷訪縱火所在高島深志比
 企信地皆下○收聞日達新府士卒益亡而士功未完勝

賴驚怖與諸將議避銳適子信勝自奮曰甲之建國傳世
 廿八歷年四百今衆畔親離我祿盡矣辟將何之當枕城
 而死以殉宗祏已勝賴默然小山田義國左兵衛尉有異
 圖欲賣君以為功進曰臣采都留郡甲地險足以守請奉而
 歸真田昌幸安房守曰臣邑阿嬬上毛地四塞之地粟支數年
 且左典廩在小室內藤所作在箕輪以藩屏焉君幸一蒞
 臣以死護衛徐圖恢復勝賴然之令昌幸先往信豐及內
 藤昌典修理正按恐託修理職無正今姑沾舊文皆歸長坂跡部言於勝賴曰
 義國宿臣昌幸羈屬不如適都留義國亦曰阿嬬在上毛
 越國而奔馳也勝賴曰善厚資義國遣之三日勝賴鎖反
 人孳於城縱火熱之孳家趣都留兵僅五百次于鶴瀨甲地

俊義國報○五日右府信長發安土六日傳仁科信盛首
途梟之○七日信忠人古府中書收武田氏宗族諸臣悉
殺之遂遣織田勝長源三森長可武藏等徇上毛分使者
招納甲駿降者相望○大君長驅入甲九日抵萬澤綏撫
降附明布恩信軍令嚴肅秋毫亡所犯甲人大悅浴道望
風歸次遂令穴山信良為鄉導從市川人○甲侯駐鶴瀨
七日淺岡不來迎使人視則鎖關發銃長閑勝查聞之先
亡衆遂潰留者近臣宿將四十餘人天目山險而有巨利
欲據之十日抵山下發三使先上初小宮山友信內膳小
作小疾長坂跡部好也驟諫又與嬖人小山田將監有卻
見山竟以籌廢至是單騎訪求及之因土谷昌恒總藏秋山光次

紀請從勝願許之乃顧問二子曰長閑安在曰昨道亡大
炊何若曰亦亡將監何若曰亡既十日友信曰咄君信邪
黜正入矣知有今日與二子相持泣勝賴俛而謝十一日
三使與信共叛拒勝賴士寇亦競起或告之江師信忠
命瀧川左近率兵營之勝賴見事急命左右殺夫人北條
氏及諸姬衆皆饑困世子信勝與四十餘人俱勉鬪而死
伊豆長光伊右備門者斬甲侯勝賴殪之獲其首年三十七甲亡
逸史氏曰甲之事可勝嘆哉甲之事可勝嘆哉當初信玄
以悞逆得國神人所共棄特以長武事併吞四隣衆力勝
天乎一時以勝賴之昏愚從幼所狃莫匪亂賊劫奪之事
早以淑愚亡辨凶器弗戢竟以至身膏鋒鎬覆宗絕嗣宜

矣世以成敗論人亡國之罪特責諸勝賴而不知其既隲於信玄篡國吞隣威震一世之時也乃徒為信玄惜後嗣不肖如來矣有國者固當戒於勝賴而尤當鑒於信玄焉

○信長聞捷大悅曰旗鼓三旬而覆巢穴取鯨鯢世子之勲偉矣十四日進抵波合信地信忠兩勝賴元以獻江侯啟函為田皆狂悖不量力自速覆亡爭衡之志今日何如命傳之我陣大君愀然下胡床迎揖曰公恃血氣之勇良可惜矣十六日小室人斬信豐降江江侯梟勝賴以下首于京師

逸史氏曰言不可不慎也江右府之驕盈我大君之教

厚動乎中而發乎外一言之下神人從違決矣昔者劉項微時縱觀秦皇之嘆均是垂涎富有之言耳然議者猶謂興亡氣象自別况又其言之天淵若此者乎

○大君執武田信就誅之右府收武田信光一條右衛門大夫信就左

衛門大夫信光蓋勝賴祖父信綱消遙信龍上野介○一人義久勝賴

山十郎一作三郎信貞及長坂長閑跡部勝資小山田義國等奸臣數十人悉誅之遂大行殺戮甲親姻名族殆盡又下令曰

甲國士臣雖以義勇顯者亦必隨得處斬列侯守牧勿得收錄甲人失望屏息大君痛念之竊訪其遺臣依田信蕃三枝虎吉上佐岡部正綱次郎右衛門渡邊守因等掩匿免之

國人倚賴焉○廿日大君會右府于諏訪右府謝曰長

緣之役甲良殲焉今日成功之易君既多矣見與平信昌
曰亦予之力也○右府封穴山信良以巨摩地甲一郡令附
庸於我廿三日以駿歸我大君曰故侯氏軍以一旅從
請割半與之信長弗聽曰下駿皆君之力今而有之誰言
不官氏真天之所廢不可與也遂論功定封以上毛及信
二郡予瀨川一益管領關東曰女所不逮咨諸德川氏以
甲予川尻鎮吉錄森川成舊勲予武藏守長可以信四郡
食十萬石予蘭丸長定以岩村食五萬石餘皆有差武田
氏統下諸城守真田昌幸等往往復舊邑○惠林寺為武
田氏塋域勝賴之直也欲權托之寺僧鎖門不內及其死
亦不收視已而匿諸亡人信忠聞而憎之夏四月三日國

而英之寺中百餘人皆焚死棟宇盡燼○右府信長令列
侯諸將罷歸親率麾下觀富士岳三大君命修道里具舟
梁飾館傳十三日大君至自師十六日邀右府饗之右
府大悅致吉良粟二萬石於我曰孤貯之以備東征今甲
既滅無復東顧之憂實係君賜請以此助將士之賞乃還
○先是越中訖言江師伐甲大敗土寇遂起爭殺長吏所
在碁時上杉氏出兵助之柴田前田作間等分兵討之累
旬而不能定○筑前守秀吉用師於淡敷旬平之而還於
是大舉入備中降宮地城令浮田氏軍攻冠山下之其眾
走喬松秀吉進圍喬松權之次龍王山藝侯輝元親將迎
之次不動山兩川皆從焉秀吉分兵三萬備之益築堤坊

逼城城中結櫟而坐懸釜而炊兩川數出挑戰羽柴堅壁不應○五月九日大君如江穴山信良從焉右府命拓途繕橋增郵置設亭舍使泚路城主館主縣次供億令丹侯光秀為司饗光秀乃帳湖畔發使于京畿市珍羞購器玩供具甚盛信良待以大君以匹敵一日享宴於城中高雲閣親饋焉命信良及酒井忠次石川康通以下重臣御食令幸部梅部萬壽窮驩而罷時兵革日久邦君周旋絕無國容故一時傳為盛事信良謂大君曰京畿乃無事盍輕裝遊觀焉孤亦尋往廿一日大君如京師信良亦從○上毛侯一益遣兵伐越後廿三日戰于三國嶺大敗越後侯景勝救越中與越前賀能師連戰不決○播侯既

與善天目持乃馳書報江曰毛利氏親來機會不可失請端出援兵廿五日右府得書悅曰是天所與我親往一舉可取西陲從茲無事乃下令曰畿甸侯伯亟就國會甲于備遂命丹侯光秀為先鋒促期發遣光秀怒曰享禮未竣又命遠役翻覆胡至此乃悉投珍羞器玩於湖馳還龜山初右府殘忍如殺遇諸臣無禮數以非理虐光秀等嘗置酒高會醉披光秀摺其顛作鼓節光秀怨望日久於是決意於反○先是右府使公子信孝及織田信澄信長弟信行之子丹羽長秀伐海南四國次大坂廿八日大君如大坂信孝擊之廿九日遂如界府○是日右府以小隊如京師館于本能寺世子信忠亦從焉館于妙覺寺六月朔日明

智光秀密會其爪牙光春明智左利三藏助等數人曰

我有大事卿等能為我死耶若不見從速斷我頭僉愕殆

相視曰唯命是從光秀曰我主公屢欲殺我今事已迫不

可不先遂與之盟夜發即令曰須先入京師獻軍容而後

西師濟桂川光秀湯策號曰能寺鼓譟而入右府驚與罵曰

治知其反三日味爽圍本能寺鼓譟而入右府驚與罵曰

豎子收爾視封符散人放絕執戈奮擊而傷左右屢百餘

人皆血戰天代隆介伴正林死于庭金森長則義入森蘭丸

坊丸長中丸一並蘭丸弟中死于堂高橋寅松死于厨右府

信長縱火自殺年四十九

逸史子曰嗚乎織田氏以回山倒海之勢輕受制於蟻

亦其驕暴自速也已爭奪之世豺狼其心者不特一光秀

則誰咎乎有國者足取鑒戒矣然世睹其不令終往往

話之不容口焉至於其有功乎名教者則概乎不錄抑亦

頗矣夫足利氏之季 王室極其衰織田氏定霸於其際

威振中原既不俟有挾而能不忘所尊以攻伐倥傯支費

廣濶之日營宮禁辨供御修缺舉廢慶覃措紳比諸木曾

北條悻逆滔天者薰蕕相反矣且其不眩乎異端邪妄之

說不為無所見乃燔叡山屠長島擗大阪殺其凶醜以惠

後世假之數年以就其志乎則彼誣惑之尤者或幾乎熄

惜夫子故不欲以其涼德而沒其偉迹也

○世子信忠聞變馳赴本能寺則烟旣起所司村井貞勝

又迎計於馬首乃反妙覺寺寺庫淺無備而隣于二條第
 貞勝乃奉 皇太子送諸剎內信忠乃從焉命士衆鎖門
 登陴衆命曰律死無為請歸國舉兵討賊信忠弗聽曰
 逆謀至此烏不斷我走路之有命前田玄以德善院後
民部卿法
 印曰汝還岐阜取我兒奔清洲賊軍至貞勝及士衆格鬪
 皆死信忠縱火自焚年二
十六
 逸史氏曰信忠見父死倉猝之際決計於一死其志則可
 然光秀不共戴天之仇碎其首剉其骨汙瀦其室然後罔
 極之報可以少伸焉當時信忠明知父死矣抑情忍詬完
 躬脫阨血出復讐之師則逆賊可不旋踵而殄滅即走路
 已絕萬方不可出而後以身殉之未晚也或至痛迫切友

寸既亂不能待報於異日乎則赴變之時直冒其陣貫穿
 衝突唯賊之求身嬰鋒鏑而後已可以冀萬一彼此俱失
 束手後夷滅焉祇足令賊逞凶逆實死之徒者君子不予
 也矣

○光秀欲入安土即日率兵馳抵瀨田使人招城守山岡

景隆美濃
守景隆斬使者燒湖橋避威山中光秀退次坂基

○大君在界府是日遣本多忠勝使本能寺至牧方河內
地

會京師大賈茶屋晴延四郎
二郎單騎馳赴于界府忠勝與之

反未至 大君既聞變乃奮然曰江師南征者未解纜我

且進據飯盛山合兵以誅逆賊投袂而起途與忠勝遇忠

勝諫曰衆寡不敵且賊方得志未易當也宜歸國以圖後


與酒井忠次石川數正皆曰忠勝言是也賊必梗大路當
從間道馳大君從之行募鄉導潛甲兼行晴延散金助
之和入十市遠光蕃選壯士以從宍山信長性猜忌見
大君當厄意不自安至普賢谷地城告別便道奔甲途爲草
寇所殺初信長以甲貴戚賣國自利至是世快之信長子
信治尙弱尋死無後大君收其封而祿其士○三日
大君抵黃津地城奪二切而濟忠勝以稍鱗撞破其舳以絕
後山岡景隆及弟景佐對馬景友備前守晚迎于菟道遂
護送焉初參國一向賊之平悉逐怙終本多正信佐渡在
逐中奔京師爲松永久秀門客久秀謂人曰我閱士多矣
壯武勇邁不乏其人唯夫夫匪剛匪柔年雖尙少品格已

高舉日必成非常之器已而三好松永作難京師益亂正
信轉客賀越十年所北地一向賊起正信爲之謀主及賊
衰敗復屏迹浮遊始有所悔悟心悔歸思大君亦宥其
舊罪名之正信聞大君西游直抵大津會有明符之變
聞行至菟道迎謁正信頗諳京畿地理乃與景隆等揣險
事議間道又與茶戶上林募土人擁衛○織田信孝等之
受南討命也右府信長密囑曰孤聞光佐挈室在鷺森禍
未艾也汝其掩不意盡禽殺之以拔本塞原信孝因進次
岸和田泉地泉聲言治舟艦以趣南海光佐聞之心懷疑懼竊
集其徒以設守備旣而信孝信澄丹羽長秀合衆入紀急
圍擊亦其徒死戰不支光佐引刀且自殺會京師凶問至

信孝等遽撤圍士眾駭奔光佐得不死次年移貝塚泉地求
 媚於羽柴氏得還大坂尋權置一寺於天馬鄉及羽柴氏
 大興寢得志創巨利于京師淳風坊今本條街以為本願寺其
 法復熾云○右府信長之如京也使季子勝長為留守蒲
 生賢秀副之及聞變城中震駭賢秀晏然不動顯議死守
 以義激勵士眾及夜闔境傳呼寇至留守諸將護衛侯伯
 逃者相踵眾乃勸賢秀奉夫人氏避銳於日野蒲生賢秀
日野邑
 知不可為令其子氏鄉以輿馬來迎諸姬或請收幣焚城
 賢秀曰乘亂營私人其謂我何土木先君所竭心我不忍
 燬就賊一旦據此豈能久有乎乃一無所取置守者而去

○前田玄以返岐阜奉信忠孤秀信岐阜中納言奔清洲○光

秀修湖橋入安土悉收金帛頒賞其黨朝廷憚光秀威虐
 詔收服者如安土慰藉之尤秀傲然以大君自居日扇動
 黨類而居者市井無賴亡命姦兒已列侯右族一無至者
 細川忠興其女婿也使人招之忠興怒逐使者召筒井順
 慶亦弗聽賢秀據口野移檄四境嚴為守備光秀始懼乃
 如京師行覲禮又欲收人心悉蠲釐下戶稅復如安土○
 柴田佑等與上杉氏相持于越中有日會森長可侵越
 後景勝回兵自救越前兵進陷魚津越中地既而聞京師變
 皆棄壁而還○播侯秀吉灌喬松累月城中困澌守將清
 水宗治長左衛門自殺出其民藝師旁觀不能救藝侯輝元聞
 江候大舉且至也懼行成秀吉許之盟有期而京師凶問



至秀吉於不動徐出巡師翌日藝侯遣人請詰且結盟送
質秀吉幸曰當俟明日而議藝侯恐和議敗不自安五日
黎明復行越期秀吉見使者曰明智光秀作逆寡君世子
皆遇賊上國大亂予且馳還討賊子君尚且成歎若乘釁
則亟戒旌鼓予亦努力從事子熟計而後來使者又命輝
元大喜曰機不可失也乃與諸將議戰左前門降景准曰
秀吉不可敵也彼聞變既信宿臣伺其陣部五整肅若平
日事既至此而和議適成彼宜秘喪速盟而去然即連卻
我使恭白大事無所隱諱晏然觀我去就何其壯也我如
承敵彼在死地我有散地提未可必而彼讐我必深矣光
秀狂豎織田諸子所大瀧川柴田諸人皆無霸材而獨秀

七九

吉才雄望隆是天或啟之今視厄不渝彼必德我宜雌伏
遵約且遣大臣弔喪分兵助以討賊彼倘得志我高枕有
西牛此十全之策輝元曰善乃令福原廣俊越前守且請
結盟佐役毛利秀包藝侯季父藤四郎出質秀吉乃與輝
元盟乞騎一隊旌旗三十弓銃各五百而發○七日大
君不自界府道上寇盜充斥將士致身捍禦沿路豪族嚮
威信者往往出兵衛送故危而達焉即日下令徵兵討光
秀大君知本多正信可用復其祿秩善待之正信機警
聰敏達權變雖性忌刻有崖岸而能以國家為己任竭力
矚綸自後寵遇日厚每侍帷幄參機密竟以智謀居開國
勳臣之列云○織田信孝信澄丹羽長秀退自紀次大坂

德川實錄卷之四

與益潰亂信澄光秀女婿也光秀招之信澄畔據大坂子
 城信孝長秀擊斬之光秀欲攻日野先是蒲生賢秀求援
 於伊侯信雄信雄心猜賢秀賢秀乃送任子九月信雄出
 師次椎山地江為日野聲援光秀不能發會伊人作亂信雄
 亦不能前十一日播侯秀吉將眾四萬至尼崎使人報
 大坂信孝大發與丹羽長秀池田信輝往會之初細川忠
 興中川清秀等回池秀受西討命皆已就封治兵於是亦
 以其甲從焉光秀聞之以兵萬五千上次洞嶺地城十二
 日秀吉軍出崎地城光秀度分兵上天王山臨陣叢射不足
 敗耳十三日賊爽令偏將率步騎七百弓銃手三百行秀
 吉謂堀秀政久太貞後堀尾吉晴茂助後曰賊脫據天王

山非吾利也二子其往吉晴為人勇決令其部下曰皆疾
 騁乃揚策而前騎能屬者十五弓銃手二十至山腹則賊
 既先吉晴從後蹙之弓銃無虛發賊弓銃在前不能拒後
 騎與秀政軍亦皆至縱擊殲之秀吉遂與賊戰于山崎高
 山友祥為先鋒中川清秀池田信輝張左右翼鼓譟健鬪
 大破之賊偏師冒信孝陣殊死戰信孝挫衄清秀麾眾擊
 橫賊遂敗走信孝把清秀手而謝秀吉自輿中呼曰瀨兵
 勞矣清秀作色曰筑州驕傲其毀觀既形賊率餘眾走保
 青龍城眾潰光秀惶怖將奔坂基夜與左右數騎過小栗
 栖地城土寇遮道築以竹槍洞腋而死十四日秀吉次三井
 寺或獻光秀首秀吉大悅梟之本能寺四方捕斬餘黨來

獻者甥集秀吉遣兵攻龜山拔之光秀子光慶十兵伏誅
使堀秀政率兵赴安土明智光春爲留守聞光秀大敗縱
火焚城悉衆赴援秀政遇之於大津擊破之初光秀置孛
于坂甚危乃入保焉其下皆散亡光春殺孛縱火自殺
秀吉又捕齋藤利三磔殺之賊悉平光秀自舉事十有三
日而滅世諱爲旬三公方秀吉收瘞本能寺遺骨遂如清
洲謁孺子秀信信
逸史氏曰光秀狂謀祇足以叙羽柴氏之業矣自古亂臣
賊子幾何不爲英雄驅除秀吉重義赴難之志始酬而取
威定霸之勢既成豈非織田氏無人哉信雄聞變數日而
後出師屢踰境而龍枕干之義奚若信孝悅秀吉之至往

會其師此以公子從家臣也其並不足有爲也可見矣

○初秀吉爲長瀨城主徙封于播未移家及變山本江城

主阿閉長之添路守與京極高次小法師後從三位謀將取

長瀨以應光秀室家懼竄于那吹山中長之悉收其贄於

是長之出亡見殺播侯夷其於高次降○越前侯柴田勝

家入討光秀十六日至柳瀨江地聞光秀伏誅遂如清洲○

十七日一人君帥兵至熱田得羽柴氏捷報乃班師召當

阨日護衛出力者祿之○關東管領瀧川一益將討光秀

料北條氏負約搆虛使人請戰相人果出師一益會統下

侯伯兵及相師戰于鉤川上毛地不利乃收兵盡返侯伯質

率兵西上聞賊平遂如清洲於是毛武諸侯皆即相一益

冊修曆叢書 逸史卷之四

乃還其邑長島○河尻鎮吉之受封于甲也恃勇酷暴民
 不聊生及聞變吏卒奔散國人將作亂大君遣本多信
 俊百如甲佐鎮吉鎮撫之國人畏憚不發乃騰浮言曰使
 者欲襲殺鎮吉鎮吉饗信俊醉而斬之國人因以為號國
 鎮吉殺之甲大亂大君使酒井忠次大須賀康高岡部
 正綱等徇甲本多正信諭依田信蕃招納武田氏浦臣橫
 田尹松等降附者千餘人○森長可入越後屢命上杉氏
 戰及聞變收兵西上信人諷訪安藝守賴忠小笠原長時子喜三郎貞慶
 村上義清子源吾國清等其先皆為武田氏所滅於是各乘釁舉
 兵信大亂越侯景勝出師為之應援因欲併甲信相侯氏
 政亦使世子氏直將兵五萬軍于境上以爭之大君乃

遣大須賀世石川康通本多廣孝帥師如甲諷訪賴忠小
 笠原信嶺降皆與其故邑○能人作亂前田氏擊平之○
 若人武田元次若國故侯大膳大夫義統子孫八郎作亂入江陷佐和山丹羽
 氏丹羽長秀自清洲馳歸擊之月餘平之○織田信雄反
 師討封內土寇至此亦平之○秋七月大君帥師入甲
 民爭供芻糧國中降附者相望大君竭意綏接威信大
 行遣諸將分伐信信人亦多降大君頓軍古府分兵守
 諸險以備相人上杉景勝至貝津信地北條氏直進次于佐
 久信地初信人高坂源吾真田昌幸應景勝饒而送款氏直
 曰帥若來景勝必出源吾縱火為應昌幸衝其中堅大陣
 繼之可退也氏直喜許之昌幸拔營如相師景勝諜知其

情又搜得昌幸報源吾書乃執源吾併其孥磔殺之廿八
日氏直伊昌幸爲前鋒濟院摩川待應景勝進兵使人送
源吾首目請戰氏直懼而退遂欲圖甲轉次平澤信軍中
淨言越人與遠通氏直乃遣昌幸還尼洲真田氏邑備景勝入
日我諸將徇信者開相大兵至退命乙骨信地遂引還相人
追尾長其部伍嚴整不敢迫氏直進陣若巫甲地欲攻新府
八日大君設伏自將騎數百車于淺生原信地相人懼不
出十日大君移軍于新府使鳥居元忠水野勝成藤十郎後
日向等守古府相侯氏政遣弟氏忠左衛門佐將兵三千與氏
直夾擊新府十二日氏忠入甲次市川元忠等聞之率兵
三千襲擊大敗之氏忠單騎遁追北斬首三百大君命

梟之新府之郊氏直軍未知敗見之褫氣○松平康親守
一校豆地橋地與薙山豆地城主北條氏規氏政弟戰於黃脊川
大敗之氏規又攻尸倉復擊卻之氏規復進本多重次
時守江尻駿地邀擊破之○氏直築砦于立生田甲地大君
親往令輕兵挑之相人出我師縱擊破之○羽柴秀吉與
柴田勝家丹羽長秀池田信輝議立秀信爲城安土使二
叔信也輔焉四臣奉政各以其人爲京師所司設期更
番以江田三十萬石供秀信餘悉分有之曰俟孺子長還
之信雄取尾信孝取濃勝家取江之長瀨長秀取滋賀高
島信輝取津之大坂尼崎兵車其餘有差長瀨羽柴氏
睽家有兼并之志以其當南川之衝迫奪之秀吉不能爭
曲修齊叢書 逸史卷之四

先是播侯以兵力定但因二國及伯備數郡及變自歸其
 有乃以地大獨辭不受分衆因使備侯秀家丹後侯藤孝
 爲其統屬於是羽柴氏威望益隆三氏憚之無幾辭所司
 輪職云及秀吉得志從秀信封于岐阜食田依舊無所還
 附臣僚之秀信亦夷然奉命無復遠志識者鄙之○丹
 侯藤孝深悼織田氏非命尋告老自號玄旨又號幽齋越
 中守忠興代侯○上侯元親大舉入阿與細川三好二氏
 戰于中富川香宗部親泰先濟獲二氏士數十元親將麾
 下直突三好存保民部太輔中堅大破之進圍存保于勝瑞○
 九月 大君令依田信蕃招真田昌幸降之乃令三人陣
 于碓氷嶺信地絕糧道信人保科正直初應北條氏質孛

相侯吏之守高遠於是城來降拔箕輪以獻遂招諭數
 城下之相侯怒殺其孛後 大君以妹妻正直○羽衣石
 侯元續城守有日時出與敵寨交兵輒北毛利氏知其畏
 懦無能爲也不甚爲意元續及聞織田氏變大懼於是國
 人訛言京師有亂羽柴氏死之元續不知所爲會城中有
 反者縱火引敵元續與左右數騎奔播遂如京師見羽柴
 氏告故求京秀吉曰子也唯我之仰我當喻其俾子復歸
 尉藉遣之已而笑謂左右曰是亡他矣吉川知宗怯弱故
 造蜚語以誤之不血刃而收功也元春之智元續之愚皆
 可謂無雙乃告元春復之○長宗部氏克勝瑞三好存保
 走嶮土師遂徇諸城皆下之細川三好二氏不死者皆出

用參將慶雲

和作... 逆州... 卷之四

三十二

亡阿悉平○先是朝廷嘉羽柴氏討賊肅清京畿 詔敘
從四位下任右近衛中將秀吉固辭不拜冬十月 詔敘
從五位上左近衛少將秀吉收故右府信長燻骨葬之
行儀于大德寺諸公子舊臣無有卒者秀吉自為喪主召
僧設大會給甚厚 詔贈信長從一位太政大臣秀吉
遂營于寶寺地城 ○土侯之人阿也分兵入東嶮圍三好串
又佐于十河接戰累旬於是元親自阿往益攻之以城險
天漸寒置寨留戌徇郡邑而還○相世子氏直屢戰不利
相持日久食且竭相侯乃使氏規行成請盡輸田之在甲
信者以代上毛之田且求婚 大君皆許之令諸將分徇
甲信據順伐逆旬月略定唯川中島四郡上杉氏割而有

之○十一月朔相帥罷歸繕砦於平澤 大君怒使讓之
曰我欲席卷取上毛聽服而止今既和而築是意在戰也
我必往遂命諸將布陣逼之相人懼且謝撤砦而去○織
田信雄信孝皆庶出生同年月平素不相下卒爭權有釁
柴田勝家自恃宿望疾羽柴氏猝出其右日積猜忌信孝
與柴田佐佐二氏通謀欲除信雄秀吉而瀧川一益及稻
葉通朝伊豫氏家行廣內膳等附之信孝歸濃勝家歸越
前約伺間同發事魯羽柴氏言於公子信雄曰北地雪深
越人未能動請疾伐濃信雄曰善秀吉乃將兵五萬圍岐
阜通朝行請出降信孝懼求成若候長秀為居間勸信孝
質其生母秀吉乃收軍反乎寶寺

山冬... 卷之四

三十三

逸史氏曰嗚呼二叔資父兄之餘業各有大國若能協心戮力內撫遺民外懷舊藩誰敢侮者乃以小閔卒惹奇禍甘踏袁紹諸子之覆轍而弗寤也悲夫小早川氏知人之鑒夙日以豚犬洵不誣矣

○柴田氏以積雪不可出將與丹羽氏連和合之先發長秀弗聽益右羽柴氏勝家乃欲紆軍使人如寶寺請修好羽柴氏許之厚禮遣歸勝家喜曰秀吉隨我術中兵備遂懈秀吉謂左右曰老革誑我以俟春暄我故溫言待之渠必曰得計今且一出使渠寒心乃帥兵抵長濱初勝家以姪勝豐伊賀守為假子既而寵甥作間盛政女蕃豐於早原豐守長濱羽柴氏使人諭之勝豐以城降越人南出

之路絕○十二月相侯使石卷康昌隼來為世子氏直納幣

幣 大君解嚴次古府柴田氏欲倚我以為重以重幣賀

定甲信○大君務除武田氏苛政餘且多沿舊法曰民安

故常遽撫之弗祥也但有一事不可不疾革乃急布寬租

之令民皆歌之又召甲信新附之士厚加勞問令之誓進

署於其書者八百人遂論功頒賞悉予故邑復祿秩令平

岩親吉鎮甲大窪忠世鉤信為武田氏建佛寺給田選其

遺臣為僧者守之親吉忠世皆武而循良為政公平國人

畏而愛之○廿一日 大君至自甲○是歲羽柴氏封仙

石久越前守淡治于須本初淡之平江右府東伐未定

其守尋有明智之難中原益多事久秀從軍屢有功故羽

